

—একটিমাত্র ব্যঞ্জনবর্ণ বহুবার ধ্বনিত হবে :

(i) “বাজিল বনে বাঁশের বাঁশরী
বনে ব’সে বাজাইছে বনবিহারী……” —লোকসঙ্গীত ।

—‘ব’ প্রত্যেক শব্দের আদিতে ধ্বনিত হয়েছে । বারের সংখ্যা নয় (৯) ।
[উদাহরণটি একটি গানের মাত্র প্রথম দুই পঙ্ক্তি । গানটি বেশ বড় এবং
আগুস্ত প্রত্যেক শব্দের আরম্ভ ‘ব’ দিয়ে ।]

(ii) “কান্ত কাতর কতহঁ কাকুতি
করত কামিনী পায়” —বিষ্ণাপতি ।

(iii) “চলচপলার চকিত চমকে
করিছ চরণ বিচরণ” —রবীন্দ্রনাথ ।

(iv) “পিয়ালফুলের পরাগে পাটল পল্লীর বনবাটে” —যতীন্দ্রমোহন ।

(v) “কেতকী কত কি কথা কামিনীর কহে কানে কানে” —কালিদাস ।

(vi) “শরতের শেষে সরিয়া রো” —খনার বচন ।

তৃতীয়—ব্যঞ্জনগুচ্ছ স্বরূপানুসারে মাত্র দুবার ধ্বনিত হবে ।

[অলঙ্কারশাস্ত্রে বর্ণের স্বরূপসাদৃশ্য এবং ক্রমসাদৃশ্য এই দুইরকম সাদৃশ্যের
কথা আছে । উদাহরণ দিয়ে এদের পার্থক্য বোঝানো যাক :—

(i) ‘জেগেছে ঘোবন নব বসুধার দেহে’ (শ. চ.) : দেখা যাচ্ছে শূলাক্ষর
অংশদ্বয়ের প্রথমটিতে যে যে বর্ণ (‘ব’ ও ‘ন’), দ্বিতীয়টিতেও তাই । কিন্তু পর্যায়
(succession) ভঙ্গ হয়েছে অর্থাৎ ‘নব’ শব্দে আগে এসেছে ‘ন’, পরে ‘ব’ ।
অথচ ধ্বনিসাদৃশ্য রয়েছে । এইজাতীয় সাদৃশ্যকে স্বরূপসাদৃশ্য বলে । কিন্তু
যদি বলি (i) ‘ফুটেছে ঘোবন-বনে আনন্দের ফুল’ (শ. চ.), তাহলে শূলাক্ষর
দুটি অংশেই বর্ণসজ্জা একরকমই থেকে ধ্বনিসাদৃশ্যের সৃষ্টি করে অর্থাৎ বর্ণগুলির
ক্রম (succession) অক্ষুণ্ণ থাকে । এইপ্রকার সাদৃশ্যের নাম ক্রমসাদৃশ্য ।]

এই স্বরূপসাদৃশ্যের অনুপ্রাস যুক্তব্যঞ্জে হয় না । ‘তোমার চরণে
অর্পিত প্রাণ’ চরণটিতে প্ৰ আর প্ৰ অনুপ্রাস নয়, যদিও প্ৰ=রূপ আর প্ৰ=পূর
স্বরূপসাদৃশ্য । যুক্তবর্ণে ধ্বনিমাধুর্যের একান্ত অভাবই এর কারণ ।

শব্দশ্লেষ আর অর্থশ্লেষে ছাগবৎস ধীরে” —রবীন্দ্রনাথ ।

লঙ্কার থাকে না, দ্বিতীয়টিতে থাকে ।

শব্দশ্লেষ অলঙ্কারটি নানা কারণে মূল্যবান্ ।

‘রেখে শব্দশ্লেষ স্বাধীন অলঙ্কারজীবন বাঞ্ছনীয় সমরসাজ ।” —রবীন্দ্রনাথ

- (v) “কবরী দিল করবীমালে ঢাকি।”—রবীন্দ্রনাথ। ‘স্বাম্য’
 (vi) “বাক্যকে অধিকার করেছে কাব্য।”—ঐ মকলের
 চতুর্থ—ব্যঞ্জনগুচ্ছ যুক্ত বা অযুক্তভাবে ক্রমানুসারে বহুবার ধ্বনিত—
 (i) “এত ছলনা কেন বল না (‘রবীন্দ্রনাথ’)
 গোপললনা হ’ল সারা”—নীলকণ্ঠপদাবলী।

—এখানে অযুক্ত ব্যঞ্জনগুচ্ছ ‘লনা’ ক্রমানুসারে তিনবার ধ্বনিতদাহরণ তরল

- (ii) “গত যামিনী জিতদামিনী কামিনীকুললাজে”—জগদানন্দ।
 (iii) “নন্দপুরচন্দ্র বিনা বৃন্দাবন অঙ্ককার”—কালিদাস।
 (iv) “অশোক রোমাঞ্চিত মঞ্জুরিয়া
 দিল তার সঞ্চয় অঞ্জলিয়া।
 মধুকর-গুঞ্জিত
 কিসলয়-পুঞ্জিত
 উঠিল বনাঞ্চল চঞ্চলিয়া।”—রবীন্দ্রনাথ।

—‘ঞ্চ’ চারবার এবং ‘ঞ্জ’ চারবার ধ্বনিত হয়েছে।

- (v) “রাশ্মি ঘন গরজন্তি সন্ততি ভুবন ভরি বরিখস্তিয়া।
 কান্ত পাহন কাম দারুণ সঘন খরশর হস্তিয়া ॥”—বিষ্ণুপতি।
 (vi) “সঙ্কটময় পঙ্কিল পথ শঙ্কিল চারিধার”—যতীন্দ্রমোহন।
 (vii) “মঞ্জুবিকচকুমুদপুঞ্জ মধুপশব্দগঞ্জিগুঞ্জ
 কুঞ্জরগতি গঞ্জিগমন মঞ্জুলকুলনারী।
 ঘনগঞ্জন চিকুর-পুঞ্জ মালতীকুলমালে রঞ্জ
 অঞ্জনযুত কঞ্জনয়নী খঞ্জনগতিহারী।”—জগদানন্দ।

—শেষের পাঁচটি উদাহরণ বহুবার ধ্বনিত যুক্তব্যঞ্জনের।

(ঘ) ছেকানুপ্রাসঃ

ছটি বা তার বেশী ব্যঞ্জনবর্ণ যুক্ত বা বিযুক্ত থেকে ক্রমানুসারে যদি মাত্র দুবার ধ্বনিত হয়, তবেই হয় ছেকানুপ্রাস। একব্যঞ্জনে ছেকানুপ্রাস হয় না।

বৃত্তানুপ্রাসেও ব্যঞ্জনগুচ্ছের ছবার ধ্বনিত হওয়ার লক্ষণ রক্ষিত। কিন্তু সেখানে ধ্বনিত হয় শুধু অযুক্তভাবে এবং স্বরূপারবীন্দ্রনাথ।

ধ্বনিত হয় যুক্ত বা অযুক্তভাবে এবং ধ্বনিত হয়েছে।

- (i) “উড়িল কলঙ্কুল অঙ্কর তরল তান—শ. চ.
 (ii) “লঙ্কার পঙ্কজরবি গেল ছবার ক’রে ধ্বনিত হয়েছে।

(iii) “এখনি অঙ্ক বঙ্ক করো না পাখা”—রবীন্দ্রনাথ ।

(iv) “কুঁড়ির ভিতর কাঁদিছে গন্ধ অঙ্ক হ’য়ে”— ঐ

(v) “জলসিঞ্চিত ক্ষিতিসৌরভ রভসে”— ঐ

—‘ব’ . ‘যাপিহু ষামিনী যমুনার কূলে বন্ধুর পথ চাহি’—শ. চ.

[উদাহরণটি ‘অশান্ত আকাঙ্ক্ষাপাথী

আগস্ত্য প্রত্যেক মরিতেছে মাথা খুঁড়ে পঙ্কর-পিঙ্করে ।”—রবীন্দ্রনাথ ।

‘করুণাকিরণে বিকচ নয়ান ।”—রবীন্দ্রনাথ ।

(ix) “কে বেঁধেছে তার তরণী,

ভরণ ভরণী ।”— ঐ

(x) “কেড়ে রেখেছিল বক্ষে তোমার কমলকোমল পাণি ।”—রবীন্দ্রনাথ ।

(xi) “একটি ধানের শিষের উপরে একটি শিশিরবিন্দু ।”— ঐ

(xii) “উদ্ধত যত শাখার শিখরে রডোডেণ্ডনগুচ্ছ ।”— ঐ

(xiii) “অধর অধীর হ’তো চূষন-লালসে ।”—মোহিতলাল ।

(xiv) “আজ ক্ষণে ক্ষণে রোদ্র উকি মারচে, কিন্তু সে যে তার গারদের
গরাদের ভিতর থেকে ।”—রবীন্দ্রনাথ ।

(xv) “রিনিঝিনি কুম্বুঝু সোনার নূপুর ।”—রবীন্দ্রনাথ ।

—উদাহরণগুলির প্রথম চারটিতে যুক্তব্যঞ্জন এবং বাকী কয়টিতে অযুক্ত-
ব্যঞ্জনগুচ্ছ মাত্র ছবার ক’রে ধ্বনিত হয়েছে ।

২। শব্দশ্লেষ

কবি যখন বিভিন্ন অর্থে একই শব্দ প্রয়োগ করেন এই উদ্দেশ্য নিয়ে যে
পাঠক বিভিন্ন অর্থে ই শব্দটিকে গ্রহণ করবেন, তখনই হয় শব্দশ্লেষ অলঙ্কার ।

শ্লেষবক্রোক্তির সঙ্গে এর পার্থক্য এই যে শ্লেষবক্রোক্তিতে বক্তা আর
শ্রোতার যে উক্তিপ্রত্যুক্তি লক্ষণটি রয়েছে, শব্দশ্লেষে তা নাই ; এছাড়া,
প্রথমটিতে বক্তা একটিমাত্র অর্থে শব্দ প্রয়োগ করেন এবং শ্রোতা তার অল্প অর্থ
ধ’রে উত্তর দেন ; কিন্তু দ্বিতীয়টিতে বক্তা নিজেই বিভিন্ন অর্থে শব্দ প্রয়োগ
করেন ।

শব্দশ্লেষ আর অর্থশ্লেষে পার্থক্য এই যে প্রথমটিতে শব্দ পরিবর্তন করলে
অলঙ্কার থাকে না, দ্বিতীয়টিতে থাকে ।

শব্দশ্লেষ অলঙ্কারটি নানা কারণে মূল্যবান । অল্প অলঙ্কারের সঙ্গে সম্পর্ক না
রেখে শব্দশ্লেষ স্বাধীন অলঙ্কারজীবন ধাপ্হমা-প্রকাশ । রে, তেমনি পারে

অন্য অলঙ্কারের অঙ্গীভূত হ'য়ে তাকেই প্রাধান্য দিয়ে নিজে গোপন হ'য়ে থাকতে।

শব্দশ্লেষের প্রকারভেদ দুটি—**সভঙ্গ** আর **অভঙ্গ**।

সভঙ্গের উদাহরণ বাঙলাসাহিত্যে বিরল ; অভঙ্গের সুপ্রচুর।

(ক) **সভঙ্গ** : লেখক যদি এমন শব্দ প্রয়োগ করেন যাকে না ভাঙলে বিভিন্ন অর্থ পাওয়া যাবে না, তাহ'লে হয় **সভঙ্গ** শব্দশ্লেষ।

একটি সহজ অথচ অতিসুন্দর উদাহরণ দিচ্ছি,—সাহিত্য থেকে উদ্ধৃত নয়, কলেজ স্ট্রীট মার্কেট থেকে সংগৃহীত। একটি পাছকার দোকানের নাম

“শ্রীচরণেশু”

—ক্রেতার শ্রীচরণশরণ পাছকাব্যবসায়ীকে করতেই হবে, অতএব **শ্রীচরণেশু** (‘শ্রীচরণ’ শব্দের উত্তর সপ্তমীর বহুবচন, বৃষ্টি বা গোরবে)। চমৎকার কাব্যিক নাম। শব্দের অভঙ্গ অথগু রূপ।

অথচ, এরই মধ্যে আসল কথাটিও রয়েছে অতিপ্রচ্ছন্নরূপে—**শ্রীচরণেশু**=**শ্রীচরণে**+‘ষু’ (Shoe)। শব্দের ভঙ্গরূপ। **সভঙ্গ**।

(i) “অপরূপ রূপ কেশবে

দেখ্ রে তোরা এমনধারা কালো রূপ কি আছে ভবে ॥”

—দাশরথি।

—গানটি কৃষ্ণপক্ষ ও কালীপক্ষ দুই অর্থে রচিত। শাক্তবৈষ্ণবের দ্বন্দ্বনিরসন এই গানের উদ্দেশ্য। কবি বলছেন, এমন অপরূপ কালো রূপ বিশ্বে আর নাই, নয়ন ভ'রে ওই রূপ দেখে নে। কালো রূপ কার? কৃষ্ণের এবং কালীর। এ অর্থ কেমন ক'রে পেলাম? কেশব=নারায়ণ বা কৃষ্ণ একথা সকলেরই জানা আছে। কিন্তু কালী? ‘কেশব’ শব্দটি ভেঙে একে কে+শব করলেই অর্থ স্পষ্ট হবে। শবে অর্থাৎ শবরূপী শিবের হৃদবিহারিণী অপরূপা ওই বামা কে?

(ii) “কৃষ্ণসারের পায় কেশরী করুণা চায়

ভরল-আয়ত-আঁখি-পরসাদে মুগ্ধ ॥”—কবিশেখর কালিদাস।

—‘কৃষ্ণসার’ একরকম হরিণ ; ‘কেশরী’ সিংহ। এই হ'ল প্রথম অর্থ। দ্বিতীয় অর্থ : কৃষ্ণ (শ্রীকৃষ্ণ) সার যাঁর সেই প্রেমাবতার শ্রীচৈতন্য ; ‘কেশরী’ হলেন বেদান্তকেশরী মায়াবাদী প্রকাশানন্দ সরস্বতী। কাশীর পণ্ডিতাগ্রগণ্য অদ্বৈতবৈদান্তিক প্রকাশানন্দ-কর্তৃক শ্রীচৈতন্যের নিকট প্রেমধর্মের দীক্ষাপ্রার্থনার কথা কল্পিত হ'লেও সত্যি সত্যি গেলো। **সভঙ্গ** শ্লেষ ; ‘কেশরী’-তে **অভঙ্গ**।

(iii) “আমার দিনের শেষ ছায়াটুকু মিশাইলে মূলতানে

গুঞ্জন তার রবে চিরদিন...”—রবীন্দ্রনাথ (‘রোগশয্যায়’ থেকে)।

—‘মূলতান’ যখন এককথা, তখন এটি সঙ্গীতের রাগিণীবিশেষের নাম। উচ্চাঙ্গসঙ্গীততাত্ত্বিক কবি রবীন্দ্রনাথ জানতেন যে টৌড়ী মেলের রাগ এই মূলতান প্রকৃতিতে পূর্ববীর নিকটবর্তী বলে, এটিকে আলাপ করতে হয় সূর্যাস্তকালে; তাই, ‘দিনের শেষ ছায়াটুকু...’। ‘মূলতান’-এর এই রাগিণী অর্থের কথা কবি নিজেই বলেছেন এই কবিতায়—‘এই রাগিণীর করুণ আভাস’। কিন্তু এই অর্থই কবির একমাত্র কাম্য অর্থ নয়।

দ্বিতীয় এবং মূল্যবান অর্থটি মিলবে কথাটিকে ভাঙলে : ‘মূলতান’ = মূল + তান। সেই তান, আনন্দের সেই অনাহত ছন্দঃস্পন্দ যা অবিরাম অনন্ত-বৈচিত্র্যময় গুঞ্নে আত্মপ্রকাশ করছে বিশ্ববীণার রূপরসগন্ধস্পর্শের তন্ত্রে তন্ত্রে, যাকে ‘কোটিকে গুটিক’ ভাগ্যবান দেখতে পেয়ে বলতে পারেন—

“বিশ্বরূপের খেলাঘরে কতই গেলেম খেলে,
অপরূপকে দেখে গেলেম ছুটি নয়ন মেলে।”

বিশ্বের সেই মূল তানকে পেয়েছেন কবি—এইটুকু আভাসে বুঝবে অনাগত কালের পথিক কবির মূলতানরাগের অর্থহীন গুঞ্জন থেকে, বলবে তারা—

“বিশ্বত যুগে দুর্লভ ক্ষণে বেঁচেছিল কেউ বুঝি,
আমরা যাহার খোঁজ পাই নাই তাই সে পেয়েছে খুঁজি।”

(খ) **অভঙ্গ** : শব্দকে না ভেঙে অর্থাৎ পূর্ণরূপে রেখেই একাধিক অর্থে যদি তার প্রয়োগ করা হয় তবেই হয় **অভঙ্গশ্লেষ**।

(i) “পূজাশেষে কুমারী বললে, ‘ঠাকুর, আমাকে একটি মনের মত বর দাও’।”—শ. চ.

—বর = আশীর্বাদ ; স্বামী।

[Pun-এর সঙ্গে অভঙ্গশ্লেষেরও কিছু মিল রয়েছে। “When a woman loses her husband, she pines for a second” (Second = মুহূর্ত্ত, দ্বিতীয় স্বামী) বাঙলা উদাহরণটির সগোত্র। এই অভঙ্গশ্লেষই আমাদের সাহিত্যে বেশী পাওয়া যায়।]

(ii) “কে বলে ঈশ্বর গুপ্ত ব্যাপ্ত চরাচর,

যাহার প্রভায় প্রভা পায় প্রভাকর ?”—গুপ্ত।

—কনি ^{দেখ্য} নিয়ে এই কবিতাংশটুকু রচনা করেছিলেন :
(১) দাসকে আরো ^{মা-} ও (২) নিজের মহিমা-প্রকাশ।

(১) ষাঁর আলোতে সূর্য আলোকিত, যিনি বিশ্বব্যাপী, সেই ভগবান্কে কে বলে গুপ্ত ?

(২) ঈশ্বর (ঈশ্বরচন্দ্র গুপ্ত) গুপ্ত (অখ্যাতনামা) কে বলে ? প্রভাকর (গুপ্তকবি-সম্পাদিত পত্রিকা) তাঁরই প্রতিভার উজ্জ্বল দীপ্তিতে প্রকাশিত ।

(iii) “অতি বড় বৃদ্ধ পতি সিদ্ধিতে নিপুণ,
কোন গুণ নাই তার কপালে আগুন ।
কুখ্যায় পঞ্চমুখ কণ্ঠভরা বিষ,
কেবল আমার সঙ্গে দ্বন্দ্ব অহর্নিশ ।
ভূত নাচাইয়া পতি ফেরে ঘরে ঘরে,
না মরে পাষণ বাপ দিলা হেন বরে ।”—ভারতচন্দ্র ।

[অতি বড় বৃদ্ধ = খুব বড়ো ; সকলের চেয়ে বৃদ্ধ অর্থাৎ জ্ঞানী ও সম্মানিত । সিদ্ধি = ভাঙ ; মুক্তি । কোন গুণ নাই তার = গুণহীন ; সত্ত্বরজস্তুমঃ এই তিন গুণের অতীত । কপালে আগুন = পোড়াকপাল ; শিবের ললাটবহ্নি, মদন যাতে ভস্ম হয়েছিলেন । কু = মন্দ ; পৃথিবী । পঞ্চমুখ = অজস্র মন্দ কথা যখন বলেন, মনে হয় যেন এক মুখে নয় বৃদ্ধি পাঁচ মুখে বলছেন ; শিবের অপর নাম পঞ্চানন, যেহেতু তাঁর পাঁচ মুখ । কণ্ঠভরা বিষ = কথায় বিষের মতো জ্বালা ; সাগরমস্থানে বিষ উঠলে সৃষ্টিরক্ষার জন্ত শিব তা পান করেছিলেন বলে তাঁর নাম নীলকণ্ঠ—বিষের নীলবর্ণে তাঁর কণ্ঠ নীল । দ্বন্দ্ব = ঝগড়া, মিলন । ভূত = সারাদিন বাড়ীতে এমনি উপদ্রব করে মনে হয় যেন ভূত নাচিয়ে বেড়াচ্ছে (বাঙলা idiom) ; প্রেত বা প্রমথ শিবের অনুচর (সৃষ্টিও হ’তে পারে : ভূ + ভাববাচ্যে ক্ত) । না মরে = মরলে আপদ্ যায়, হাড়ে বাতাস লাগে, কিন্তু এমনি কপাল যে মরেও না ; অমর । পাষণ বাপ = নির্ধুর পিতা ; পার্শ্বতীর পিতা পাষণকায় হিমাচল (“দেবতাত্মা, হিমালয়ো নাম নগাধিরাজঃ”) ।]

কবিতাংশটি ঈশ্বরী পাটনীর কাছে অন্নদা (দুর্গা)-র কোশলে আত্মপরিচয় ।
এটি ব্যাজস্বতিরও চমৎকার উদাহরণ ।

(iv) “এনেছে তোমার স্বামী বাঁধি নিজগুণে”—মুকুন্দরাম ।

—সুন্দরীরূপিনী চণ্ডী আত্মপরিচয়-প্রসঙ্গে কালকেতুর পত্নী ফুল্লরাকে বলছেন । গুণে = স্বভাবের চমৎকারিত্বে ; ধনুকের ছিলায় (স্বর্ণগোধারূপিনী চণ্ডীকে ব্যাধ কালকেতু ধনুকের ছিলায় বেঁধে বন হ’তে বাঁধুর নিকটিল্) ।

কবিকঙ্কণরচিত চণ্ডীর আত্মপরিচয়টি শ্লেষ ও ব্যাজস্বতিরী-তে অভঙ্গ । ত ।

(অপ্রাসঙ্গিক হ'লেও ব'লে রাখি ভারতচন্দ্রের 'অন্নদার আত্মপরিচয়' মুকুন্দরামের প্রবল প্রভাবের ফল)।

(v) “কালীকিঙ্করের কাব্যকথা বোঝা ভার।

সে বোঝে অক্ষর কালী হৃদে আছে যার ॥”—রামপ্রসাদ।

—‘অক্ষর কালী’=(১) সনাতনী কালিকা; (৩) কালীর আখর অর্থাৎ বিজ্ঞা। (কালীকিঙ্করের=রামপ্রসাদের)

(vi) “দেখ নাকি, হায়, বেলা চ'লে যায়, সারা হয়ে এল দিন।

বাজে পুরবীর ছন্দে রবির শেষ রাগিনীর বীণ।”—রবীন্দ্রনাথ।

(১) ‘পুরবী’=গোধূলির রাগবিশেষ; ‘রবি’=সূর্য।

(২) ‘পুরবী’=‘পুরবী’-নামক কাব্যগ্রন্থ; ‘রবি’=রবীন্দ্রনাথ।

‘পুরবী’ কাব্যের প্রকাশকালে রবীন্দ্রনাথের বয়স চৌষট্টি বৎসর।

(vii) “পণ্ডিতের লেখা

সমালোচনার তত্ত্ব, পড়ি যায় শেখা

সৌন্দর্য কাহাকে বলে; আছে কি কি বীজ

কবিত্ব-কলায়; শেলি গেটে কোলরীজ

কার কোন্ শ্রেণী...”—রবীন্দ্রনাথ।

(১) ‘বীজ’=মূল সূত্র; ‘কলা’=শিল্প। (২) ‘বীজ’=বীচি (seeds); ‘কলা’=কদলী। উক্তিটি বিজ্ঞপাত্রক।

(viii) “একদিন রাত্রে, যদিও সেটা গুরুপক্ষ নয়, জ্যোৎস্না আমারই ঘরে এসে দাঁড়ালো।”—অচিন্ত্যকুমার।

—জ্যোৎস্না—(১) একটি মেয়ের নাম; (২) চাঁদের আলো।

এইবার যে উদাহরণগুলি দিচ্ছি শ্রেণের ভূমিকা সেখানে গোঁণ, কারণ অল্প অলঙ্কারের সে অঙ্গীভূত। গোঁণ হ'য়েও আপন শক্তি আর সৌন্দর্য্যে সে দীপ্তিমান্। শ্রেণের সত্বক অভঙ্গ হুই রূপই এখানে পাব।

(i) “ঋতুতে ঋতুতে মহাকবি কাল নির্ভুল নিয়মে তাঁর ঋতুসংহার কাব্য রচনা ক'রে চলেন।”—নারায়ণ গঙ্গোপাধ্যায়।

—‘কাল’-এর উপর ‘মহাকবি’ আরোপিত হওয়ায় যে রূপক অলঙ্কারের সৃষ্টি হয়েছে, বর্তমান আলোচনায় আমাদের দৃষ্টিকে সে দিক থেকে সরিয়ে দাঁড়াচ্ছে। আমাদের দৃষ্টি এখানে কেন্দ্রীভূত ‘ঋতুসংহার’ কথাটিতে, যা ঐ শ্রেণের কল্পনাকে করেছে লীলাচঞ্চল। মহাকবি কালের উপর মহাকবি কুলিদাসকে আরোপিত করেছে ‘ঋতুসংহার’, ব্যঞ্জনার পথে হুই কবিরই কাব্যের

বিষয়বস্তু 'ঋতু'। কালিদাস ঋতুকে 'সংহার' করেছেন—ঋতুপরম্পরাকে সঙ্কলন করেছেন, সৌন্দর্য্যমাধুর্য্যের সূত্রে ঋতুপরম্পরার মালা গাঁথেছেন ; 'কাল' ঋতুকে 'সংহার' ক'রে চলেছেন—ঋতুপরম্পরার রসরূপকে ধ্বংস ক'রে চলেছেন ম্যালেরিয়া কালাজ্বর কলেরা বসন্ত আমাশয়রূপ মহামারী দিয়ে। যাই হোক, দুই কাব্যই যে 'ঋতুসংহার' তাতে সন্দেহ নাই। এইখানে শ্লেষের খেলা এবং এই খেলার ফলশ্রুতি ব্যঙ্গ্যরূপক অলঙ্কার।

(ii) “বাসরঘরে বর এবং পাঠকসভায় লেখকের প্রায় একই দশা। কর্ণমূলে অনেক কঠিন কোঁতুক উভয়কে নিঃশব্দে সহ করিতে হয়।”—রবীন্দ্রনাথ।

‘কর্ণ’=(১) চর্ম-মাংস-উপাস্থিময় প্রত্যঙ্গ ; (২) শ্রবণেন্দ্রিয়। “কঠিন কোঁতুক” বরের ‘কর্ণ’পক্ষে মর্দন এবং লেখকের ‘কর্ণ’পক্ষে নিন্দাবিক্ষেপ। ‘কঠিন কোঁতুক’-এ শ্লেষ নাই ; ‘কর্ণ’ কথাটির অর্থ শ্লিষ্ট। ‘প্রায়’ কথাটি অভেদ-আরোপে বাধা দেওয়ায় বর আর লেখক রূপক হ’তে পারল না। আবার উপমার লক্ষণ স্পষ্ট নয় ব’লে সাধারণ উপমাও বলা গেল না। কিন্তু উপমাই ; কর্ণমূলক কঠিন কোঁতুক নিঃশব্দে সহ করার মধ্যে সাধারণধর্ম্মের ব্যঞ্জনা। ‘কঠিন কোঁতুক’-এর স্বরূপটি উদ্ঘাটিত করেছে ‘কর্ণ’-ঘটিত শ্লেষ। শ্লেষগর্ভ ব্যঙ্গ্য উপমা।

একটা কথা এইখানে ব’লে রাখি। এই বিশেষভাবে শব্দশ্লেষ অলঙ্কারের কার্যকলাপ বুঝতে হ’লে আগে অর্থালঙ্কারের সঙ্গে একটু পরিচয় দরকার।

(iii) “ক্ষণকাল চিন্তি চিন্তামনি

(যোগীন্দ্র-মানস-হংস) কহিলা মহীরে।”—মধুসূদন।

—‘মানস’=(১) মন ; (২) মানসসরোবর। চিন্তামনি (বিষ্ণু) যোগীন্দ্রের ধ্যানের ধন ; এইখানে ‘মানস’ কথাটির ‘মন’ অর্থের সার্থকতা। কিন্তু চিন্তামনির উপর ‘হংস’ আরোপিত হওয়ায় অলঙ্কার হয়েছে রূপক। ‘হংস’ মানসে (মনে) বিহার করে না, করে সরোবরে। এখানে সেই সরোবরের নাম পুণ্যতীর্থ ‘মানস’, কারণ ‘হংস’ নারায়ণ। মনবাচক ‘মানস’ (বিষয়) গ্রন্থ হয়েছে সরোবরবাচক ‘মানস’-কর্তৃক—অলঙ্কার অতিশয়োক্তি। ‘মানস’-ঘটিত শব্দশ্লেষ এই অতিশয়োক্তির মূলে।

(iv) “রবি-রশ্মি-প্রথিত দিন-রত্নের মালা”—রবীন্দ্রনাথ।

—‘রশ্মি’=(১) কিরণ ; (২) রজু, এখানে সূত্র। ‘দিন’-সম্পর্কে ‘রশ্মি’ কিরণ অর্থে সার্থক ; কিন্তু যখনই দিনের উপর রত্নের আরোপে রূপক এসে